

ՊԵՏՈՒԹՅԱՆ ԿՈՂՄԻՑ «ՃԱՆԱՊԱՐՀԱՅԻՆ ԴԵՊԱՐՏԱՄԵՆՏ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅԱՆ ԱՆՀԱՏՈՒՅՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

23 մարտի 2020թ.

Հայաստանի Հանրապետության տարածքային կառավարման և ենթակառուցվածքների նախարարությունը, ի դեմս գլխավոր քարտուղարին փոխարինող Հ. ԲԱՏԻԿՅԱՆԻ (այսուհետ՝ Պետական մարմին), որը գործում է պետական մարմնի կանոնադրության հիման վրա, մի կողմից, և «Ճանապարհային դեպարտամենտ» պետական ոչ առևտրային կազմակերպությունը, ի դեմս գլխավոր տնօրենի ժամանակավոր պաշտոնակատար Ք. ՂԱԼԵՉՅԱՆԻ (այսուհետ՝ Կազմակերպություն), որը գործում է Կազմակերպության կանոնադրության հիման վրա, մյուս կողմից (այսուհետ՝ միասին՝ Կողմեր), հիմք ընդունելով Հայաստանի Հանրապետության կառավարության 2019 թվականի դեկտեմբերի 26-ի թիվ 1969-Ա որոշումը (հիմնական իրավական ակտ՝ ՀՀ կառավարության 15.12.2016 թվականի թիվ 1304-Ա որոշում) և ՀՀ կառավարության 2020 թվականի մարտի 5-ի թիվ 299-Ն որոշումը (այսուհետ՝ Որոշում)՝ «Ճանապարհային ցանցի բարելավում» 2020 թվականի ծրագրի «Ավտոմոբիլային ճանապարհների ցանցի հսկողություն՝ ուսումնասիրություններ և փորձաքննություններ» միջոցառման (այսուհետ՝ Ծրագիր) իրականացման նպատակով կնքեցին սույն պայմանագիրը (այսուհետ՝ Պայմանագիր)՝ հետևյալի մասին.

1. Պայմանագրի առարկան

1.1. Սույն Պայմանագրով Պետական մարմինը պարտավորվում է Ծրագրի իրականացման նպատակով Կազմակերպությանը հատկացնել Որոշմամբ նախատեսված՝ 218,088,900 (Երկու հարյուր տասնութ միլիոն ութսունութ հազար ինը հարյուր) դրամ գումար՝ այդ թվում ԱԱՀ՝ 36,348,150 (Երեսունվեց միլիոն երեք հարյուր քառասունութ հազար հարյուր հիսուն) դրամ, իսկ Կազմակերպությունը պարտավորվում է Ծրագիրն իրականացնել ՀՀ օրենսդրությամբ և սույն Պայմանագրով սահմանված կարգով:

1.2. Ծրագրով նախատեսված Կազմակերպության կողմից իրականացվելիք միջոցառումները (այսուհետ՝ Միջոցառումներ) ներկայացված են սույն Պայմանագրի հավելվածում:

2. Կողմերի իրավունքները և պարտավորությունները

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող Միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. Որոշմամբ սահմանված պահանջներին չհամապատասխանելու դեպքում չընդունելու իրականացված Միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել սույն Պայմանագրի 5.1-ին կետով նախատեսված տուգանքը.

2.1.3. առանց իրականացված Միջոցառումների արդյունքների դիմաց գումար տրամադրելու՝ միակողմանի լուծելու սույն Պայմանագիրը և պահանջելու հատուցել պատճառված վնասները, եթե՝

ա. Կազմակերպությունը ժամանակին չի սկսում Ծրագրի իրականացումը, կամ Ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

բ. Կազմակերպությունը երկու և ավելի անգամ խախտել է Ծրագրով նախատեսված առանձին Միջոցառումների իրականացման ժամկետները (Միջոցառումների իրականացման ժամկետներ նախատեսված լինելու դեպքում),

գ. իրականացված Միջոցառումները չեն համապատասխանում Ծրագրով սահմանված պահանջներին.

2.1.4. սույն Պայմանագիրն օրենքով կամ սույն Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ Միջոցառումների արդյունքները:

2.2. Կազմակերպությունն իրավունք ունի՝

2.2.1 իրականացված Միջոցառման արդյունքը Պետական մարմնի կողմից ընդունելու դեպքում պահանջելու վճարել իրեն հասանելիք գումարը,

2.2.2. Պետական մարմնի կողմից գումարները չվճարվելու դեպքում միակողմանի լուծելու սույն Պայմանագիրը և պահանջելու հատուցել իրեն պատճառված վնասները:

2.3. Պետական մարմինը պարտավոր է՝

2.3.1. Ծրագրով նախատեսված դեպքերում աջակցել Կազմակերպությանը.

2.3.2. կատարել Ծրագրի (առանձին Միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել Ծրագրով նախատեսված այլ աշխատանքներ.

2.3.4. գործունեության արդյունքների վերաբերյալ ներկայացված եռամսյակային և տարեկան հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Եթե ներկայացված հաշվետվությունների համաձայն իրականացված Միջոցառումը համապատասխանում է Ծրագրի և սույն Պայմանագրի պահանջներին, ապա դրանք ընդունվում են: Ընդ որում, Պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է Կազմակերպությանը:

2.4. Կազմակերպությունը պարտավոր է՝

2.4.1. իրականացնել Ծրագրի շրջանակներում Պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. Պայմանագրով նախատեսված ֆինանսական միջոցներն օգտագործել Ծրագրով և (կամ) սույն Պայմանագրով սահմանված նպատակներով և չափաքանակներով.

2.4.3. կատարել Պետական մարմնի կողմից բացահայտված թերությունների վերացման նպատակով տրված ցուցումները.

2.4.4. սույն Պայմանագրով սահմանված կարգով Պետական մարմին ներկայացնել Միջոցառումների իրականացման մասին եռամսյա հաշվետվություն՝ մինչև եռամսյակի վերջին ամսվա հաջորդող ամսվա 20-ը, իսկ Ծրագրի ավարտից հետո՝ ամփոփ տարեկան հաշվետվություն՝ տարվա ավարտից հետո 30 օրվա ընթացքում.

2.4.5. սույն Պայմանագրի գործողության ընթացքում ապահովել Ծրագրի իրականացմանը վերաբերող փաստաթղթերին ծանոթանալու Պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6. Պետական մարմնի կողմից առանձին Միջոցառումների իրականացման մասին հաշվետվությունները չընդունվելու դեպքում Կազմակերպությունը պարտավորվում է անվճար՝ Պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.7. Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

3. Մոնիթորինգը

3.1. Պետական մարմինը Ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է Ծրագրի շրջանակներում իրականացնել մոնիթորինգ՝ ուսումնասիրելով Ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. Վճարման կարգը և ժամկետները

4.1. Կազմակերպության կողմից Միջոցառումները իրականացվում են հաշվետու տարվա ընթացքում, իսկ վճարումներն իրականացվում են ամսեկան՝ կանխավճարային ձևով, յուրաքանչյուր ամսվա առաջին տասնաշխատանքային օրվա ընթացքում:

5. Կողմերի պատասխանատվությունը

5.1. Սույն Պայմանագրով և Ծրագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է Պետական մարմնին փոխհատուցել չիրականացված Միջոցառման չափով և վճարել տուգանք՝ չիրականացված Միջոցառման համար նախատեսված գումարի 0.5 տոկոսի չափով, իսկ տույժերը՝ 0.05 տոկոսի չափով: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է Կազմակերպությանը վճարվելիք գումարներից:

6. Պայմանագրի գործողության ժամկետը

6.1. Պայմանագիրն ուժի մեջ է մտնում Կողմերի ստորագրման պահից, տարածվում է 2020 թվականի հունվարի 1-ից հետո ծագած հարաբերությունների վրա և գործում է մինչև կողմերի ստանձնած պարտավորությունների՝ ամբողջ ծավալով կատարումը:

7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, Պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս Կողմին:

8. Եզրափակիչ դրույթներ

8.1. Միջոցառումների Ծրագիրը հանդիսանում է սույն Պայմանագրի անբաժանելի մասը:

8.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

8.3. Պայմանագիրը կնքվում է հայերեն լեզվով, 2 /երկու/ օրինակով, որոնք ունեն հավասարազոր իրավաբանական ուժ: Յուրաքանչյուր Կողմին տրվում է Պայմանագրի մեկ օրինակ:

8.4. Պայմանագրով նախատեսված պարտավորությունների չկատարման հետ կապված, ինչպես նաև սույն Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. Կողմերի հասցեները, բանկային վավերապայմանները և ստորագրությունները



«Հանրապետության կառավարման և ենթակառուցվածքների նախարարություն»

ք. Երևան, Հանրապետության հրապարակ, Կառավարական փոստ 3

«Հ Ֆ Ն գործառնական վարչություն»

h/h 900011001121

«ՎՎՎ 02815457»



«Ծանապարհային կառավարման կենտրոն» ՊՈԱԿ

ք. Երևան, Նալբանդյան փ. 28

«Հ Ֆ Ն գործառնական վարչություն»

h/h 900018007675

«ՎՎՎ 02702598»


Ա Ր Զ Ո Ց Ա Ռ ՈՒ Մ Ն Ե Ր


Իրականացվելիք միջոցառման						
ՄՈՒԿ	Անվանումը	Համառոտ բովանդակությունը	Կատարման ենթակա գործառույթների նկարագրիչը	Ավելավոր արդյունքները և դրանց գնահատման չափանիշները	Վերջնա-ժամկետը	Պահանջվող գումարը (դրամ)
1						92,990,022
1.1	Ավտոմոբիլային ճանապարհների արտոմոբիլային նպատակային օգտագործման, վերականգնման, պահպանման և հեռանկարային զարգացման ծրագրերի իրականացման նպատակով պետական քաղաքականության մշակման աշխատանքներին օժանդակություն, այդ թվում՝	Առկա ծածկի վիճակի դիտարկում	Ծածկի թերությունների չափագրում	Վերականգնման ծրագրի մշակման անհրաժեշտ մուտքային տվյալների ստացում	30.12.2020	24,402,924
1.2	Երթևեկության ինտենսիվության չափումներ և վերլուծություն (102 հաշվեկետ 125 այցելություն)	Երթևեկության ինտենսիվության չափում	Երթևեկության ինտենսիվության չափում	Վերականգնման ծրագրի մշակման անհրաժեշտ մուտքային տվյալների ստացում	30.12.2020	14,997,313
1.3	Աջակցություն պետական նշանակության ավտոմոբիլային ճանապարհների վերականգնման ծրագրերի մշակմանը	Ա/ճանապարհների վերականգնողական ծրագրերի մշակում	Ուսումնասիրությունների և հետազոտությունների վերլուծություն, տևտեսագիտական վերլուծական ծրագրերի կիրառում	Վերականգնման առաջարկվող ճանապարհների ցանկի ներկայացում	30.12.2020	26,306,860
1.4	Ավտոմոբիլային ճանապարհների գույքագրում, տվյալների շտեմարանի լրացում և վարում (շուրջ 600կմ)	Ճանապարհային տարրերի չափագրում և լրտեսակարում, շտեմարանի վարում	Պաշտային և գրասենյակային աշխատանքներ	Ճանապարհային ոլորտի կառավարման կազմակերպման որակի բարելավում	30.12.2020	15,105,278


1.5	Հանապարհային երթևեկության անվտանգության բարելավում	Հանապարհային երթևեկության կազմակերպման ուսումնասիրություն	Հանապարհների ներկա երթևեկության վիճակի ուսումնասիրություն և վերլուծություն	Հանապարհային երթևեկության անվտանգության բարելավում	30.12.2020	12,177,647
2	ՀՀ պետական նշանակության ավտոմոբիլային ճանապարհների ուսումնասիրությունների իրականացում, կապալառու կազմակերպությունների աշխատանքի դիտարկումներ և գնահատում, վերականգնման աշխատանքների մշտադիտարկում, հսկողություն և գնահատում, այդ թվում՝	Հանապարհային ճանապարհների կազմակերպման ուսումնասիրություն	Հանապարհների ներկա երթևեկության վիճակի պարբերական	Հանապարհային երթևեկության անվտանգության բարելավում		96,900,008
2.1	Կատարված աշխատանքների ընդունման նպատակով միջգիտական և հանրապետական նշանակության ավտոմոբիլային ճանապարհների ընթացիկ անառային (2889.2կմ) և ընթացիկ ձմեռային (3336.9կմ) պահպանման աշխատանքների պարբերական դիտարկում և գնահատում:	Հանապարհային ցանցի ընթացիկ ամառային և ընթացիկ ձմեռային պահպանման աշխատանքների հսկողություն	Աճանապարհները սպասարկող կապալառու կազմակերպություն-ներին կողմից իրականացված աշխատանքների հսկողություն	Հանապարհային ցանցի սպասարկման արդյունավետության բարձրացում	30.12.2020	37,590,861
	Ավտոմոբիլային ճանապարհների վիճակի գնահատում՝ հաջորդ տարվա պահպանման և սպասարկման պահանջների պահի կազմման նպատակով	Ավտոմոբիլային ճանապարհների գնահատում	Ավտոմոբիլային ճանապարհների ցանցի վիճակի ուսումնասիրություն	Հաջորդ տարվա ավտոմոբիլային ճանապարհների պահպանման և սպասարկման աշխատանքների պահի ներկայացում		

2.2	<p>Կատարված աշխատանքների ընդունման նպատակով ակտոմոբիլային ճանապարհների վրա գտնվող և առանձին պահպանման հանձնվող թունելների (3 հատ), կամուրջների (5 հատ), պարսպող համակարգերի (715364 գժ.ս) պահպանման և գծանշման աշխատանքների (461312.4 քառ.մ) պարբերական դիտարկում և գնահատում:</p>	<p>Թունելների, կամուրջների և մետաղական արգելափակիչների աշխատանքների հսկողություն</p>	<p>Սպասարկող կապալառու կազմակերպությունների կողմից իրականացված աշխատանքների հսկողություն</p>	<p>Թունելների, կամուրջների և պարսպող համակարգերի պահպանման և սպասարկման արդյունավետության բարձրացում</p>	30.12.2020	30,126,132
2.3	<p>Առանձին պահպանման հանձնվող թունելների, կամուրջների և պարսպող համակարգերի վիճակի գնահատում՝ հաջորդ տարվա պահպանման և սպասարկման պլանի կազմման նպատակով</p>	<p>Թունելների, կամուրջների և պարսպող համակարգերի վիճակի գնահատում</p>	<p>Թունելների, կամուրջների և պարսպող համակարգերի վիճակի ուսմնասիրություն</p>	<p>Թունելների, կամուրջների և պարսպող համակարգերի պահպանման և սպասարկման աշխատանքների պլանի ներկայացում</p>	30.12.2020	29,183,015
		<p>Թունելների, կամուրջների և պարսպող համակարգերի աշխատանքների հսկողություն</p>	<p>Կապալառու կազմակերպությունների կողմից իրականացվող աշխատանքների հսկողություն</p>	<p>Ճանապարհների և տրանսպորտային օբյեկտների շինարարական աշխատանքների կազմակերպման բարելավում</p>		

3	ՀՀ պետական նշանակության ավտոմոբիլային ճանապարհների պետական կառավարման մարմնի և/կամ ճանապարհների վերականգնման, պահպանման պատասխանատու օտարապետական առանձին հանձնարարականների դեպքում լաբորատոր փորձարկումների կիրառմանը	Ծանալարիաշինության ոլորտում օգտագործվող շինարարական նյութերի և պատրաստի արտադրանքի լաբորատոր փորձարկումներ	Շինարարական նյութերի և պատրաստի արտադրանքի որակական հատկանիշների որոշում և արդյունքների տրամադրում	Շինարարական աշխատանքների որակի բարձրացում	30.12.2020	28,198,870
Ընդամենը						
218,088,900						


 Հ. PUSHPAN
 ՀՀ Կարածրային կառավարման և հրթիռային ու ինքնաթիռային տրանսպորտի նախարարություն




 Բ. ՂԱԼԵՅԱ
 «Ճանապարհային դեպարտամենտ» ՊՈԱԿ

Բ. Երևան, Հանրապետության հրապարակ, Կառավարական կոմ 3
 ՀՀ ՖՆ գործառնական վարչություն
 հ/հ 90001100121
 ՀՎՀՀ 02815457

Բ. Երևան, Նախանդյան փ. 28
 ՀՀ ՖՆ գործառնական վարչություն
 հ/հ 900018007675
 ՀՎՀՀ 02702598